

Маршрут йылысь юөр

Дона ёртгяс! Вöзьям тiянлы подöн ветлöдлiгмоз нимкодьясьны Коми Республикаса юркарöн – Сыктывкарöн. Бөрья кадö Сыктывкарын сувтöдiсны уна аслыспөлöс арт-объект. Наöн позьö тöдмасьны «Сыктывкартi ветлöдлысьяс» маршрут кузя ветлöдлiгöн.

Арт-объект вылö видзöдöмöн тi тöдмаланныд сы йылысь юöрсö да казяланныд карыслысь ловрусö. Экскурсиясö позьö кывзыны рочöн, комиöн да англия кывйöн.

Проектыс отсалас туристлы экскурсоводтöг тöдмасьны Коми Республикаса юркарлöн нималанторьясöн.

Текстсö лыддьöны:

Рочöн да комиöн – Семён Горчаков, Ангелина Смирнова.

Англия кыв вылын – Александр Терентьев.

Фотоыс Кирилл Шучалинлöн.

Проектсö пöртöма олöмö «Сыктывкар» кар кытшлöн муниципальной юкöнса администрация отсöгöн.

СЫКТЫВДIН КАР СÖВМÖДАН ÖТУВЪЯ ПЛАНЛЫ МАКЕТ, ВЫНСЬÖДИС 1784 ВОЫН МÖД ЕКАТЕРИНА

Сувтöдöма макетсö Киров да Орджоникидзе уличаяс туйвеждорса скверö, кöнi литература казтылана Иван Куратовлöн музейыс (Орджоникидзе улича, 2 керка)

Композициясö вöли лöсьöдöма 1980 воын карлы 200 во тыригкежлö. 2016 вося йирым тöлысьын композициясö вöли выльмöдöма да дзоньталöма: кужысь йöзыс важ кодьöн вöчöмаöсь пу подувсö, вежисны да реставрируйтiсны мичмöданторьяссö, сувтöдiсны Сыктывдiн кар сöвмöдан öтувья планлысь выль макет.

Öнiя кар му вылын оланiнсö тöдöны 1586 восянь. Медводдзаысь лоана регионса юркар йылысь казтывсьö Еринь карса сотнöй гижöдьяса небöгын Сыктыв дорса погост нимöн.

1780 вося төвшөр 25 лунө (өнiя стиль серти урасьом 5 лунө) Сыктывдiн сикт лоис Сыктывдiн карөн да Вөлөгда губернияса татшом жö нима уездын шöринөн.

«Стрöйбаяс серти комиссияса» архитекторьяс Пётр Никитин да Пётр Обухов 1783 воын лöсьодöмаось Сыктывдiн карлысь медводдза план, а 1784 вося төвшөр 16 лунө сийöс вынсьодöма Екатерина II. Та дырйи мыджсьöмаось Вежа Петыркар стрöитан ног вылö, татчöс аслыспөлöслуньяс серти сийöс кужöмөн ладмöдiгмоз.

Вöли проектируйтöма шөр изэрдсö да вадорвыв парад туйсö, кодi лои Сыктыв юлань бана кодь кар юкөнөн. Карсö вöли юклöма 26 квартал вылö, көнi чайтiсны вöчны 12 улич, сизимыс на пиысь веськыд визьяс моз мунiсны Сыктыв ю кöджсянь, а витыс вомöналісны найöс веськыд пельöсөн да нюжалiсны ю пöлөн. Öтувья кар планын вöли лыддьöдлöма Вадорвыв (өнiя Киров), Покров (өнiя Орджоникидзе) да Суханов (өнiя Бабушкин) уличьяс. Индöма Юпöлөнса медводдза (өнiя Сöветскöй), Юпöлөнса мöд (өнiя Ленин) да Шөр (өнiя Коммунистическöй) уличьяс.

Стрöйбаяс карас кыпöдiсны Вежа Петыркарын 1783 воö лöсьодöм кар стрöитан план серти. Та дырйи ковмыліс тшöктыны карсаяслы, медым керканысö найö лэптiсны сэтчö, кытчö сэн гижöма. Таöдз найö овмöдчисны, кытчö гажныс петiс, а та вöсна и ньöти улич эз вöv, Еринь улич кындзи. Сыктывдiн карыс быдмöма квартал бöрся квартал да сöмын XX нэм пансигөн лои сы ыджда, мый вöли пасйöма XVIII нэм помын.

Татчöс олысьяс Сыктывдiн карсö эз öти ног шуны, тшöтш Сыктывдiн помөн (танi Сыктыв юлөн помыс), и дженьыда Карөн. Öнiя нимсö Сыктывкарлы пуктiсны 1930 воын. Но этшаөн тöдöны, мый медводдзаысьсö Сыктывкар нимсö казтылöма абу 1930 воын, а 1878-ын. Буретш тадзи карнымöс шуис нималана гижысь Павел Засодимскöй «Вөр шөр сарство» небöгын. Сэки нин Сыктывдiн карын олысьяс вермисны асьнысö шуны сыктывкарсаясөн.

КУПЕЧ СУНДУК

«Купеч сундук» арт-объектсö восьтiсны 2014 вося моз тöлысь 25 лунö «Карса легендаяс» йöзкостса водзмöстчöмьяс олöмö пöртны отсалан проект серти.

Арт-объектсö вöли вöчöма ыргöнысь Улыс Тагилын. Сундукса томан розбын эм потас, кытчö чöжан кудйö моз позьö «шуд вылö» суйны сьом.

Вонас ӧтчидысь, Кар лунӧ, сійӧс восьтылӧны да став чукӧрмӧм сьӧмсӧ сетӧны Сыктывкар мичмӧдӧм-бурмӧдӧм вылӧ либӧ юркаrsa олысьясӧн бӧрйӧм мӧд бур делӧ вылӧ.

Арт-объектсӧ пунктӧма Сӧветскӧй да Куратов уличьяс туйвежын.

Сӧветскӧй улича 1918 воӧдз вӧлі Спас нимаӧн. Буретш тані 18-19 нэмьясын вӧлі карлӧн веськӧдлан да вузасян шӧриныс. А 19 нэм помын – 20 нэм пансигӧн тані сулалісны купеч керкаяс, кӧні олісны Комлиньяс, Оплесниньяс, Камбаловьяс, Забоевьяс да Кузьбожевьяс. 18 нэмын Сыктывдін карса нималана купечьяс лыдын вӧліны Сухановьяс, кодьяс пунктісны ыджыд пай кар да Коми му сӧвмӧдӧмӧ. Буретш Суханов купечьяс водзмӧстчӧмысь Сыктывдін кар вӧлі индӧма мусерпасӧ. Ӧд кор Екатерина II дырйи губернияс вылӧ канму юкигӧн кыптӧма сёрни, кутшӧм овмӧдчӧмин вӧчны уездса выль карӧн, Сухановьяс ёна зілісны, медым бӧрйӧма вӧлі Сыктывдін. Тайӧ лои сэк, кор Коми му кузя ветлӧдлӧма сенатор Мельгуновлӧн комиссия.

Купеч сундуксӧ пунктӧма, медым бурӧн казтыштны купечьяссӧ да меценатьяссӧ, кодьяс ас кадӧ пунктӧмаӧсь ыджыд пай кар сӧвмӧдӧмӧ. Вӧлі казялӧма: малыштан кӧ сундук вевтсӧ либӧ суйыштан сэтчӧ монета либӧ кабала сьӧм, бур нажӧткатӧг он сэсса коль.

Сундуксӧ мичмӧдӧма 17 нэмся ногӧн стилизуйтӧм гижӧдьясӧн, вевт вылас джынустав шыпасьясӧн пасйӧма: *«Тайӧ сундукыс – казна, медым бурӧн казтывны Сыктывдінса купечьясӧс, карса медводдза купечьясӧс да медводдза бурвӧчысьясӧс, кодьяс ёна зілісны тайӧ кар понда».*

Медым ыргӧн вевт улӧ чукӧртӧм озырлун вылӧ некод эз пукты синсӧ, сундук вылас вӧчӧма вандальясысь видзан кышӧд, а медым ыджыд копилка розьӧ лэдзӧм кабала сьӧмыс эз тшык – сундук пытшкас лӧсьӧдӧма гидроизоляция.

Таысь кындзи, сундуккӧд орчча скверын сувтӧдӧма стенд, кытчӧ гижӧма Михаил Рогачев небӧгысь юкӧньяс, кӧні висьтавсьӧ сыктывкарса купечьяс йылысь да кар олӧмын купеч уловлӧн ыджыд роль йылысь. Ӧд сыктывдінса купечьясӧн кар олӧмӧ пунктӧм пайсӧ вылӧ доньялӧны ньӧти вывтӧасьтӧг. Эз кӧ найӧ, гашкӧ и Сыктывдіныс, ӧнія Сыктывкарыс, эз и карӧн ло.

ТШАКА УЛИЧКОСТ

2011 вося кӧч тӧлысь 14 лунӧ тшака уличкостсӧ восьтісны Куратов улича кузя 17 №-а керкалӧн кык юкӧн костын. Тшака уличкост – мирын медся векни уличкост, 10 сантиметрысь абу паськыдджык. Сійӧ вӧлі лӧсьӧдӧма «Коми му – уна тшакаин» йӧзкостса проект серти. Водзджык медічӧт пасьта серти верктуйыс вӧлі Германияса Дюссельдорф да Рейтлинген карьясын уличкостьяс сайын (ӧтигыс 40, а мӧдыс 31 сантиметр).

Тшака уличкостлы «подув пуктысь батьяс» – сыктывкарса блогерьяс Борис Суранов, Михаил Стеценко, Павел Андреев да Павел Сафронов.

Йӧзкостса проект лӧсьӧдысьяс сьӧлӧмсянныс босьтчисны уджӧ: эз сӧмын сувтӧдны индӧда сюръя, а и мӧдӧдісны карса администрацияӧ кабалаяс, медым уличкостлы вӧлі сетӧма официальной статус. Депутатьяс сэсса шуисны, нинӧм пӧ лӧк таысь оз ло, да оланпас серти вынсьӧдісны и керка коластсӧ уличкост пыдди, и индӧда пӧвсӧ. Индӧда пӧв вылын уличкостлысь нимсӧ гижӧма комиӧн, рочӧн да англияса ногӧн.

«Уличкост» йылысь. Дерт жӧ, татшӧм ногӧн сійӧс лабутной морт оз шу. Тайӧ вит судтаа ӧти керкалӧн кык юкӧн кост. Сідз артмӧма, мый тайӧ керкасӧ лӧптӧмаӧсь кык пӧрйӧ. Медводз кыпӧдӧмаӧсь медводдза куим пыранінсӧ, а сэсса содтӧд лӧптӧмаӧсь нӧшта куимӧс. Татшӧм ногӧн, кӧть и збыльвылассӧ керкаыс кык, став мусерпасас да ведомосьтас найӧс пасйӧма ӧти номерӧн.

Тшака бренд сӧвмӧдігӧн идеяс чужтысь Борис Суранов вӧзйис пыртны олӧмӧ тшака выль ритуал: медым мойвиис тшакла ветлігӧн, колӧ ӧтчыдысь вуджны индӧд увтіыс. А кор тшак вотысьяс бӧр локтӧны вӧрысь, колӧ вуджны индӧд увті мӧдарлань, быгтьӧ аттьӧалӧмӧн.

Таысь кындзи, эм куим помка, мыйла уличкостлӧн нимыс лои Тшака.

Кыдзи тӧдса, 1812 воын Сыктывдін карӧ ыстӧмаӧсь пленӧ босьтӧм прансузьясӧс. Найӧ овмӧдчӧмаӧсь кар помӧ, кодӧс сэсса кутісны шуны Парижӧн. Кор прансузьясӧс вайӧдісны татчӧ ва кузя, кӧнкӧ тайӧ местаясын найӧ аддзисны трюфельяс. Тайӧ медводдза легенда. Мӧдыс – йӧзыс, кодьяс ветлісны тшакла «Заря» теплоходӧн, мунісны буретш таті, а кор тшак тыра кӧрзинаясӧн локтігӧн мудзлісны, пуксьылісны шойччыны буретш татчӧ. Коймӧдыс – тані неылын вӧлі «Вӧр-ва козиньяс» нима дзик ӧти вузасын.

2017 вося моз 21 лунӧ уличкост водзын сувтӧдісны выль индӧд да дорӧм инсталляция. Вӧлі бӧрйӧма ичӧт архитектура формаяс – кӧртысь

дором кык дона гоб, оти вылас лельо пукало. Найо лооны пасон тшак вотысьяслон медчоскыд да медрადейтана трофейлы – дона гоблы.

Коми му пырö Россияса вит регион лыдö, конi быдмö медуна тшакыс. Тшакыс танi збыльвылас лыдтöм-тшöттöм. Вотны кө республикаын быдмысь став тшаксö, найос нуом могысь ковмас лосьодны 12 сюрс поезд.

ВАРЫШ

Сувтöдöма Куратов да Ленин уличьяс туйвежö, Коми Республикаса войтырлön ёртасян керка дорö (Ленин улича, 74 керка).

Арт-объектыс сулалö Степан изэрдсянь матын. Сийос вöли вöчöма Ухтаын 2017 вося сора тöлысьö нуöдöм «Куим муртöса войвыв» скульптура симпозиум дырйи. Öтторья еджыд мраморысь скульптурасö лосьодöма Вежа Петыркарса серпасалысь Мария Апрасиди. Варышыс – республикалön символ, сылön скульптураыс лоис регионлы 96 во тырöм кежлö медся аслыспöлöс козиньяс пиын.

Авторыс мичмöдöма сийос, торйөн кө, финн-йöгра стиль элементьясөн. Кыдзи и коми канпасын, варыш морöсö серпасалöма анылысь чужöмсö, кодос кытшалö квайт йöра юр. Йöра юрьясыс петкөдлöны мирса мичлун, вын да лада тэчас. Кык метр ыджда лэбач гыжьяснас кутö кыйдöссö – чери. Сийö лоö символön шудлы, вермöмьяслы да тыр-бур олöмлы.

Скульптураыс петкөдлö коми войтырлысь аслыспöлöс культурасö, важся олöмсö да, дерт нин, мичмöдö карнымöс.

Мичаторьяс вöчигөн варышыс важысянь вöли комияслön нэмöвöй пертасөн, сийö тшöкыда паныдасьлö перым пемöс стильön вöчöмторьясын, кодьясöс аддзалöма сэтысь, конi овлöмаöсь öнiя коми йöзлön пöль-пöчьясыс.

Абу тай весьшөрö Коми Республика канпасын медшөр торйыс – варыш. Коми Республикалön канпасас гөрд геральдика пöv вылö перым пемöс стильön серпасалöма веськыда видзöдысь зарни варышöс; лэбач морöсас – анылön чужöмбан, а сысянь öтар-мöдарын квайт йöра юр.

Канпасын тыдовтчö комияслön оласног вылö важья видзöдласыс. Шевкнитöм бордыса варышыс лоö Коми мусö да войтырсö видзысь вынön, шондiön да вылыс мирön. Варыш морöсын серпасалöм чужöмыс

Зарни Аньлөн, олём сетысь енлөн. А йöraяc вeжöртöны вынйöр, мичлун,
югыд лов да тыр-бура лöсьöдöм мир.

Коми Республикалөн кып сідзжö йитчöма варышкöд. Кыпсö гижöма
коми литература классик Виктор Савинлөн «Варыш поз» кывбур серти.

Кывзöй, кутшöм мичаа сійö юргö коми кыв вылын:

Ылын-ылын Войвылын

Джуджыд парма сулалö.

Парма шöрын варыш поз

Кыпыд горөн шыалö.

Лэбзьöй, повтöм варышъяс,

Вына бордыяс шеныштлöй,

Веськыд туйöд нуöдöй,

Коми мусö югдöдöй!

КОМИ КЫЙСЯН КАЛЕНДАР

Сувтöдöма 2013 вося öшым 25 лунö Шöр универмагсянь неылын
(Интернациональнöй улича, 147 керка).

Арт-объектыс – Ванвисдінса археология культура кадся ыргöнысь
вöчöм лунпаслөн ыдждöдöм копия. Сылөн пасытаыс – öти да джын метра.
Асьсö календарсö вöчлöмаöсь мян эраса медводдза сюрсöд во помын –
мöд сюрсöд во пансигөн.

Монументсö Улыс Тагилын заводса мастеръяс вöчöмаöсь рöммöдöм
ыргöнысь. Оригиналсьыс сійö 17 пöв ыджыдджык, а сьöктаыс – 300
килограмм.

Гöгрöс скульптураын серпасалöма ош, көр, сьöдбöж, сана, йöра,
вурд, руч, ур да тулан.

1975 воын вöралысьлысь важся коми кыйсян календарсö аддзöма
Николай Латкин Кöрткерöс районса Шойнаты сикт дорысь. Ыргöнысь
вöчöм плавкöс гöгыль вылын кытшөн серпасалöма öкмыс пемöсöс.

Гöгыльсö вöлі сетöма туявны археолог Клим Королёвлы.
Аддзöмторсö туялöм бöрын лой гöгöрвоана – тайö календар, лунпас. Сійöс
кисьтöма көртысь да сэнй серпасалöма пемöсьясöс.

1987 воын этнограф Николай Конаков гöгöрвоöдiс важся кыйсян
лунпасыслысь символъяссö.

Сы серти, календарын воыс пансьö тулыснас сэк, кор луныс да
войыс öткузьята (сійöс индöма торья пасөн календарлөн ортыса кытшын).

Луньяссö лыддьöдлісны пöлöс пиньяс отсöгөн. Пиньясыс – «вежоньяс», быдөн на пиысь лöсяліс нель суткилы. Луньяссö арталісны мöдарлань, часі паныд. Восö юклісны костьяс либö «тöлысьяс» вылö кьян пемöсьяслөн во чöж олан кад серти.

Кыйсян календарын кадколастьяслөн кузьтаыс абу öткодь, 28 суткисянь 76 суткиöдз. Пемöсьясыс, кодьясöс серпасалöма символьясөн, олöны Коми муын. Найöс комиясыс пыдди пуктылісны.

Торйөн тöдчанаöсь вöліны ош да йöра. Лунпас серти ош «тöлысьын» лэбач да пемöсьяс позьясьöны. Сэки коми кыйсьысьяс эз вöравлыны, а заводитісны кыйсьыны йöра кадö. Ош да йöра кадыс йитчöмаöсь ёрта-ёртыскöд: ош «тöлысьыс» пансис тулыснас, кор луныс да войыс öткызта, а йöра кадыс – арнас, кор луныс да войыс тшöтш öткызта.

Эжваса адзöмторйыс тöдчöдö, мый важ комияс кужисны календар кузя стöча артавны луньяссö Кростос эскöмö пыртöдзыс на.

КОМИ МÖС

2017 вося ода-кора 15 лунö Коми Республикаса видз-му овмöс да потребительскöй рынок министерство дорын (Бабушкин улича, 23 керка) сувтöдісны выль арт-объект – «Коми мöс».

Проектö пöртісны олöмö Дмитрий да Аркадий Савельев вокьяс. Сюруклысь фигурасö лöсьöдісны да кисьтісны сыктывкарса кузнечаын, уджалісны матö куим тöлысь чöж. Скульптуралысь дорöм бокьяссö мичмöдöма видзвывса туруньясөн. Татысь позьö адззыны катшасиньяс, анькытшьяс да весиг шондіюрьяс. Сюрукөн позьö нимкодьясьны, позьö снимайтчыны лысьтысигмоз. Та вылö мöс дорö пуктöма дорöм пуклöс да ведра.

Арт-объектö вöзйис вöчны Коми Республикаса видз-му овмöс министерство. Öд буретш сюрुकыс – семья вердысьыс. Мöс унаöс вердіс тшыг кадö да ыджыд тыш дырйи, и йöзыс колисны ловьяён. Важөн вöлі шуöны, мыйөн унджык мöскыс крестьянинлөн овмöсын, сымын сійö озырджык. Та вöсна мöслы памятникыс – тыр-бур олöмлөн символ. Мыгöрпас вöчысьяслөн кывьяс серти, медым олöмыд вöлі лада, колö инмöдчывны көрт пемöслөн вöраöдз.

Семья вердысьлы татшöм скульптураыс Коми Республикаын öти.

Селекционеръяс шуоны, мый Россия Федерацияса субъектъяс лыдын Коми Республикаын медуна холмогор рода скотыс, мод ногон ко, Комиысь холмогор мосьясыс – Россияын медся состом породаа пемосьяс.

Мукод регион серти республикааным холмогор скотыс этшаджык соралома мукод породакод, а Чилимдин районын да «Приполярной Инта» агрокомплексын, коди вермома уджавны «реформаяс» кадö, кольома на сорастом холмогор породаыс. Сылон родыс мунö Печораса абориген скотсянь.

Та йылысь висьталö и сийö, мый мукод регионын да Коми Республикаын вöчöм вый образечьяс лыдысь туялысьяс бöрйисны республикаса Чилимдин районын вöчöм продуктасö.

Уськодам тöд вылö, талун регионын гырысь скот лыдыс 5 сюрс гөгөр.

«Ö» ШЫПАС КАЗЬТЫЛАН ПАС

Скульпторъяслон «Финн-йора мир. (Öттшöтш)» IV войтыркостса симпозиум дырйи чужис мөвп – кыпöдны «Ö» композиция. Тайö вöли 2010 вося моз тöлысьö Сыктывкарын. Из сёртысь Александр Выборов эштöдöма арт-объектсö йирым тöлысьын. Скульптор шуö асьыс уджсö финн-йöгра войтырлысь öтувьялун петкөдлан символон.

2008 воын Россияса наукаяс академиялон Урал юкөнса Коми наука шöринын Кыв, литература да история институтса наука туялысь, сыктывкарса «Коми войтырöн» веськөдлысьöс вежысь Алексей Рассыхаев вöзйис сувтöдны «Ö» шыпаслы памятник. Кыдзи и роч «Ё» шыпас, «Ö» шыпасыс «бырö»), öд роч петасьясын сыон вöдитчöны зэв гежöда, а тайö вежö коми кывьяслысь юргöмсö.

Восьтисны гранитысь символсö 2011 вося лöддза-номья 12 лунö, Сыктывкар чужан лунö. Карса олысьяслон вöзйöм серти казьятылан пассö сувтöдисны Первомай да Бабушкин уличаяс туйвежын, Коми культура шöрин водзö (Первомай улича, 31). Кык метра джуджда, кык тонна сьöкта монумент вылын гравируйтöма «Ö» шыпас.

2015 вося ода-кора 5 лунö «Ö» шыпас памятник вылö öшöдисны пöвтор, кытчö рочон да комион гижöма:

«Монумент букве коми алфавита «Ö». Автор – Александр ВЫБОРОВ. Установлен по инициативе МОД «Коми войтыр». «Ö» – 18-ая

буква коми алфавита. Буква [Ӗ] впервые была использована для передачи коми слов Г.Ф. Миллером в середине XVIII века.

«Ӗ» коми шыпаслы казтылан пас. Вӧчысьыс – Александр ВЫБОРОВ. Сувтӧдӧма «Коми войтыр» ӧтмунӧмлӧн водзмӧстчӧмӧн. «Ӗ» - коми анбурын 18-ӧд шыпас. [Ӗ] шыпас медводдзаысь паныдасьлӧ коми кывъяс гижигӧн Г. Ф. Миллерлӧн уджын XVIII нэм шӧрын».

XIV нэмын Перым епархияса епископ Перымса Степан лӧсьӧдӧс эмбур вылӧ пуктана пасъяс, кириллица да грек алфавит подув вылын коми гижанног – сӧдз шусяна важ перым гижӧд, абур (анбур) – тайӧ анбурса медводдза шыпасъяс серти.

Ӗния коми анбурсӧ лӧсьӧдӧмаӧсь 1938 воын. Сӧйӧс кызвийӧ тӧчӧма кириллица шыпасъясъыс, а роч кывйын абутӧм шыясӧ петкӧдлӧм могысь вӧдитчӧны дз (/ж'/), дж (/ж'/) да тш (/ч/) кыка шыпасъясӧн, а сӧдзжӧ содтӧд ӧ (/ӧ/) да і (/и/) графемаясӧн.

Вочасӧн Ӗ шыпас лои коми кивлы аслыспӧлӧс символӧн, та вӧсна абу и чуймӧдана, мый Сыктывкарас сувтӧдӧма тайӧ шыпастӧ казтылан пас.

СТЕПАНЛӦН КОМИ АНБУР

2014 вося йирым 1 лунӧ Карл Маркс да Орджоникидзе уличаяс туйвежын вӧлі восьтӧма сквер, кӧні сулалӧ важ коми Анбур казтылан пас. Сӧйӧс лӧсьӧдӧма «Карса легендаяс» проект серти.

Тӧчаслӧн ӧтар бокас гижӧма «Сыктывкар», та дырйи «Сыктывкар» кывйын тӧдчӧдӧма кыкнан «Ы» шыпасӧ, мӧдар бокас – тайӧ жӧ кывсӧ гижӧма важ перым кыв вылын, шӧрас – ачыс Анбурыс да дженьыдик юӧр, кызди сӧйӧ артмӧма да кызди сӧйӧн вӧдитчӧмаӧсь Комиын да Мӧскуа канму гижӧдъясын. Коми войтыр орнаментӧн дорӧсалӧм «Сыктывкар» гижӧдсӧ да Стефан анбурлысь шыпасъясӧ вӧчӧма пластикысь. Рытъяснас гижӧдыс вой кыа моз югъялӧ лӧзов рӧмӧн.

Важ перымса (важъя коми) анбурсӧ лӧсьӧдӧма йӧз пӧвстын Христослы эскӧмсӧ паськӧдысь Перымса Степан. Православной миссионерьяс пӧвстын сӧйӧ ӧтнас козыналӧма Роч муын олысь вужвойтырлы ашӧръя гижӧд.

Степан чужлӧма 1340 во гӧгӧрын Югдӧнын. Лыддысьсӧ, мый Степан ичӧтдырсянныс тӧдлӧма коми кыв, ӧд сэки комиӧн сӧрнитӧмаӧсь

Югдінас да матігөгөр грездьясын олысьяс. Чайтöны сэсся, сылön пö и мамыс вöлöма коми.

Степан лöсьöдöма ассьяс анбурсö грек, роч-славяна анбурьяс да коми рöдвуж пасьяс подув вылын. «Анбур» нимыс артмö кык медводдза шыпас серти («ан» да «бур»). Пасьяссö комияс пукталöмаöсь кöлуй вылö, пасьялöмаöсь вöралан угоддьöнысö, на отсöгөн вöчлöмаöсь календарьяс. Татшöм пасьясыс вöліны став финн-йöгра да самодий войтырлön. Пасьясыс ёнасö эз вежласьны да воисны миян кадöдз печканьяс вылын, вышивайтöм да кыöм дöраяс вылын.

1372 воын гижöдыс лои дась. Анбурыс тэчöма 26 шыпасысь, аслысикас графемаясысь. Ас анбурöн Степаныс комиöдöма некымын небöг.

XVI нэмöдзыс вежа небöгьяссö йöз кывьяс вылö вуджöдöмьяссö шулöмаöсь еретическöйöн, таысь мыждöма Вичко. Та вöсна Перымса Степанлön уджыс да сійö, мый православнöй роч митрополия пуктöма коми кывсö вичкоын служитан кывйö, – тайö дзик аслыспöлöс да мукöдлаын вöвлытöмтор. Татшöм ногөн, коми кывсö вöлі пыртöма вичкоын служитан, а сідзкö и мирса гижöд кывьяс лыдö – грек, латынь, еврей да славяна кывьяскöд öтсор.

Коми кыв гораа юргöма вичкоын, коми анбурöн вöдитчылöмаöсь XVII нэмын на.

Перымса Степан кадсяньыс выль анбурьяссö абу нин лöсьöдöмаöсь Европаын, дай некöні му югыд пасьтала. А Степан анбурыс öнöдз на бура лöсялö коми кыв фонетикалы.